

邑之有志猶國之有史夫歷代沿革之規模天文星野之法象疆域幅幘之廣狹風俗土產之盈絀戶口田賦之則例官師學校之隆替禮樂經制之典型山川名勝之奠定人物文章之昭垂科目薦舉之登進忠孝節義之表揚常平義社之積貯河防城隍之捍衛胥於此徵獻傳信焉唐朱鵠有云史者當國之鑒定億代之眉目也孰謂一邑不然哉余不敏承乏蘭土抵任之始耳目未能周徧首取蘭志而披閱之見其紀載蕪雜論斷浮靡攷其纂輯歲時值順治己亥後此三十餘年則缺如也因念考古證今日新月異聖天子在上百度釐修方輿一統採輯編摩期於詳備邑之有志猶

國之有史欲徵獻傳信者之所宜先講矣亟詢邑之老成耆舊將謀申請續修乃云

閣大中丞加意文獻蚤厯遠謀檄令前官延聘紳士續修脫稿已經繕呈矣余用是有待刪定頒發可觀成書而三四年來堤工米運地畝清丈兼以旱歉頻仍閭閻疾苦調停未遑狀徵獻傳信邑志最鉅未嘗一息不倦倦於懷至今歲夏

顧大中丞始定稿本檄 府憲頒發刊刻余不禁躍然自喜夙志頓慰卽延嚮之分纂諸紳士更嚴校讎并此近年事蹟斟酌添增補其滲漏而節其繁褥授之梓人鳩工於夏六月告成於冬十月魚魯必核豕亥無訛裝潢成帙余固得以徵獻傳信且俾後之來斯

士者展卷披閱無舊志蕪雜浮靡之嘆於沿革也而
知其損益之因時於天文星野也而知其修和之感
召於疆域幅幘也而知其封疆之澄清於風俗土產
也而知其富教之培養於戶口田賦也而知其生用
之寬舒於官師學校也而知其治行之則效於禮樂
經制也而知其府事之張舉於山川名勝也而知其
遺蹟之整飭於人物文章也而知其鼓舞之振興於
科目薦舉也而知其陶甄之化澤於忠孝節義也而
知其獎掖之激發於常平義社也而知其樽節之阜
豫於河防城隍也而知其綢繆之鞏固如朱鶴所謂
當國之鑒千億年之眉目者邑之志也實余之志也
夫

皆

康熙三十四年歲在乙亥十月之吉

文林郎知蘭陽縣事加二級三韓高世琦沐手撰并書
於蘭署之馥蘭東軒

縣圖叙


叙曰周禮大司空以天下土地之圖周知九州地域廣輪之數其要在於審
幾句要荒之遐邇鄉遂都鄙之聯屬與夫山林川澤之名物而已吾邑雖無
山巒名勝而大河長阜城市鄉閭固巋然也一周之地宇景物展卷披圖悉
羅之目前矣乃竊比諸邑乘列之四圖以便覽鏡云 念雙

蘭陽縣志

縣圖叙

縣境之圖





蘭陽縣志

縣圖叙

二

河南建華印刷所承印



蘭陽縣志

縣圖叙

三

河南建華印刷所承印

縣治圖



縣丞舊宅
今改典史宅



典史舊宅
今廢



知縣



三



火神廟



三教堂

五雲閣廢

文廟儒學

關帝廟


大王廟
大寺

預備倉
今廢

觀音堂

南河廳
今廢

東司
今廢



東門

春場

天壽廟
社學



蘭陽縣志

縣圖叙

四

河南建華印刷所承印

縣學圖

祠君帝



樓奎聚



教諭舊宅

閣經尊



廢今



堂倫明



坊儀道



門二



井

宅舊導訓
廢今



亭一敬



廢今



宅導訓



宅舊簿主

宅丞縣陝今



監



館賓



宅



堂



庫



庫



庫



廢今



學宮界址開列於後

大成殿 西山牆距民地一步四尺

東 廡 原九間北頭今燬二間

西 廡 原九間北頭今燬二間

啟聖宮 西山牆距民地五步二尺宮後中至三台山南北長二十七步東西寬七步三尺五寸宮後東邊南北長六十步至民地宮後西邊南北長十六步二尺半至民地宮後東西連坑共寬四十四步三尺至民地

尊經閣 關後南北長三步三尺東西寬如關

蘭陽縣志目錄

序圖

沿革總志

沿革

天文志

星度

分野

地理志

疆域 形勝等附

山川

風俗

古蹟

陵墓

田賦志

賦稅

戶口 廩糧等附

鹽引 驛站等附

蠲租

土產

蘭陽縣志

目錄

建置志

城池

神祠

街巷

坊第 碑石等附

橋梁 集市等附

寺觀

祠廟 生祠附

社學 教場等附

倉儲

祀壇 邑厲等附

河防 津渡附

隄堰

學校志

儒學

文廟

署制志

縣治

公署

職官志

知縣

縣丞

主簿

典史

教諭

訓導

陰陽醫學

僧道會司

選舉志

進士

舉人

歲貢

恩命

封爵

官廕

辟薦

例監

武舉

吏胥

人物志

人物

流寓附

孝行

義門

烈女

隱佚

方外

技術

藝文志

御製

奏議

序記

書傳

箴銘

韻言志

賦

詩

災祥雜記

蘭陽縣志

目錄

災祥

修志姓氏

江南淮安府贛榆縣知縣邑人王 旦 琴江己未

河南懷慶府濫縣署教諭邑人傅上襄 渡平己酉

邑 貢 生李朴之 崔崖

邑 貢 生武山立 雲嶠

邑 貢 生潘 沆 鶴園

邑 監 生陳殿臣 飲廬

蘭陽縣志卷之一

沿革總志



粵稽唐虞弼成五服肇十有二州封十有二山其曰肇者定疆里之始也
 封者表州域之鎮也禹敷土奠高山大川分田定賦紀其成功曰九州攸
 同商頌言九圍九有是夏商已改十二州為九州矣論者謂商無青并青
 於徐周無徐并徐於青豫居天地之中唐虞三代成名曰豫非若青徐之
 變易靡常也周行封建之典衛壤統屬於豫蘭邑居衛之東而隸焉春秋
 戰國名曰戶牖自秦迄漢建縣名曰東昏迨其後有改為東明有廢而為
 鎮有仍稱東昏者至於宋復號東明雖建置不一或者有治人治法之變
 通歟金改蘭陽元因之為河所圯明初遷縣於馬邨稱蘭陽我
 皇清統一車書幅幘廣袤而蘭陽仍屬開封府亦因時制宜之道則狀耳紀
 沿革者循流而溯源作沿革總志

鶴園滯沅志

蘭陽縣志

卷一 沿革

沿革

夏 屬豫州 禹貢荆河惟豫州

商 屬豫州 按宋註天下歸文王者六州荆梁雍豫徐揚也

周 屬衛 按蘭舊有儀封鄉儀衛地也

唐虞以上荒遠難稽今以三代為始庶有文可徵便於信從也

春秋戶牖 左傳註云在陳留外黃縣西北東昏城

左傳魯哀公十三年公會晉侯及吳子于黃池秋七月辛丑盟因景伯還及戶牖

戰國戶牖邑

竹書紀年云梁惠成王十三年鄭釐侯致平戶戶牖首垣諸邑 蒙泉李氏志

秦戶牖鄉

徐廣曰陽武屬魏地戶牖今為東昏縣屬陳留案隱曰徐廣云陽武屬魏而地理志屬河南郡蓋後陽武分屬梁國耳徐又云戶牖今為東昏縣屬陳留與漢書地理志同按秦時戶牖鄉屬陽武至漢以戶牖為東昏縣隸陳留郡也正義曰陳留風俗傳曰東昏縣魏地故陽武之戶牖鄉也括地志云東昏故城在汴州陳留縣東北九十里 琴江王且志

漢東昏縣

文獻通考云漢置東昏縣屬陳留郡王莽篡漢稱新遂改東昏為東明宋揚侃皇畿賦云彼東昏之舊城易美號於新室何以明而代昏符作幾於聖日廣文張氏志

東漢東昏縣

三國魏廢縣為鎮

文獻通考云曹魏以東昏地入濟陽後改為東明鎮

六朝齊東昏縣

通鑑云齊明帝子寶卷字智藏廢為東昏侯

宋東明縣

文獻通考云建隆四年置東明縣屬開封府建中靖國元年升考城縣為興仁府建炎三年沒於金以東明縣屬興仁府

金蘭陽縣

河南總志云金析東明六鄉為縣取首鄉曰蘭陽

元蘭陽縣

屬汴梁路

至正十七年河圯蘭陽縣城

即東昏縣舊地舊志稱七年圯縣城誤

至正十七年遷蘭陽縣治於韓陵

正氏志

按舊志載縣為河所圯遷於馬村甚悉但自元以前蘭陽職官未聞人物未紀似有闕文或者縣圯於河中原又經離亂所遷於蘭者皆四方之人縣志因而遺失未可知也 鶴園潘泮志

蘭陽縣志

卷一沿革

一一

河南建華印刷所承印

明洪武元年遷蘭陽縣治於馬邨

屬開封府

皇清蘭陽縣

屬開封府

辨異曰據蔡中郎東昏庫上里社銘云惟斯庫里古陽武之戶屬鄉及觀文獻通考即載漢陳留郡則凡十七縣而東昏居一別治陽武縣屬滎陽郡則東昏戶屬本秦陳留陽武之鄉而非漢滎陽郡陽武也晉陳留郡凡十縣有濟陽而無東昏是曹魏已廢東昏入濟陽矣隋廢陳留郡汴州分其地入滎陽濟陰東萊等郡則濟陽是時屬濟陰郡矣唐復為曹州領宛句五縣是時又併於宛句屬曹州矣宋置東明成平二縣開封領縣十六而東明其一通鑑釋義東明縣今開封府之蘭陽是也可見宋之東明即漢之東昏金與仁府三縣皆為黃河所廢乃以東明來屬是時東明縣屬興仁府矣金又取東明首鄉蘭陽以為縣元因之翰墨叢書載汴梁路凡十縣而蘭居一則大名路所轄東明縣實非東明之故墟也明立河南布政司改汴梁路仍為開封府後分隸六梁道而蘭亦居十六縣之一 蒙泉李氏志 念雙李氏曰秦時戶屬鄉漢以為東昏縣蔡中郎銘東昏庫上里為古陽武戶屬鄉則秦皇實改戶屬為東昏也宋之東明即東昏故城名更而實未嘗變也儀封縣志金正大九年徙東明縣西南二十里通安鄉為縣名曰儀封則儀封之非儀城而東明之即東昏亦可見矣

蘭陽縣志卷之一

天文志

按保章氏以星土辨九州鄭康成以春秋十二國配十二辰之次唐僧一行有雲漢山河之說以星之懸象在天其本在地星與土其精氣自相聯屬占候家以角亢氏為壽星之次屬鄭以房心為大火之次屬宋以室壁為娶訾之次屬衛柳星張為鶉火之次屬周占應不爽蘭以彈丸土上應度數幾何狀無尺寸地非土則亦無尺寸非天星履之為地者載之為星星度分野烏不可辨作天文志 更生武氏志

星度

天文入壁度

蒙泉李氏謂蘭古豫州之域星皆屬參魏分野是據文獻通考云伏張氏舊志為心星大火之次蒙泉非之查廣輿記開封角亢氏分野而蘭乃封人請見之墟分野屬衛是蘭為壁之分野矣當流寇初發天狗星見宋郊占者謂禍當在宋誤以蘭儀入宋分其後流寇問路梨賈遂攻杞而不及蘭豈非星野所屬有毫不可強耶武氏志

蘭陽縣志

卷一 沿革

二二 河南建華印刷所承印

按周天度數確有可據至於分野之說約略大端可也蒙泉既非張氏之次武氏又解蒙泉之疑遂以蘭為壁之分野蓋以天狗星隕宋流寇攻杞而不攻蘭則杞為宋分蘭為衛分也明矣伏天左旋從左而旋右日月右行從右而行左從壁星一度在西九度在東蘭居衛之東偏故日入壁九度開禧會天統天授時等歷壁九度今時憲歷則壁十三度矣談分野者又在神明而變通之 琴江王旦志

分野

天文壁為蠡訾之辰屬衛為豫州

按天體東西行周三百六十五度四分度之一遂分為十二辰三垣而外以二十八宿布十二辰之宮宮分十二國蘭陽於星屬壁於地屬衛亥宮乃其分野也占者每於壁宿視日月五星薄蝕驗之可矣 鶴園潘沆志

蘭陽縣志卷之一

地理志

書曰慎固封守以康四海昔之稱封守者今之所謂疆域也蘭陽舊縣瀕河自元至正末訖明洪武初遷凡三易如殷之耿相靡有寧居後卜馬邨沃野富庶至我

國家與圖繡錯大小相維猶如臂之役指焉平壤樂利閭里盈寧誠為大梁左輔云作地理志 鶴園潘沈志

疆域

子輿氏曰域民不以封疆之界就民人言之疆里難以隔也就封域言之大小自有定界不可移耳畛區接壤曰屬曰隸亦限帶者之所必詳矣四境之內道里遠近安可泯狀而不紀與 琴江王旦志

蘭陽縣在開封府東北九十里

蘭陽縣志

卷一沿革

四

河南建華印刷所承印

東至儀封縣二十五里東南至睢州九十里南至杞縣六十里西南至陳留縣六十里西至祥符縣九十里西至封丘縣九十里北至長垣縣九十里東北至東明縣一百二十里

蘭陽縣東西三十里南北六十里

東至儀封縣界十里西至陳留縣界二十里南至杞縣界十五里北至長垣縣界五十里

按蘭陽延袤不齊犬牙相制以南則杞地雜焉且有祥符營為之贅疣河北則祥符陳留之民雜處難於辨東境外地有二一在東明縣裴子眼地方係來遠里地參頃七十七畝一分四厘零一在睢州三奶奶廟地方係富禮里地拾頃八十八畝無零 武氏志

形勝

傳曰在德不在險天時地利歸重人和守邦之道得矣茫茫禹甸東西曰廣南北曰袤孰能窮章亥之步哉蘭雖蕞爾邑東有韓陵奧區西有雲山勝景南有巴水環流北有黃河襟帶杞衛通衢之地梁宋咽喉之都亦一大會也 雲嶠武山立志

北負澶匡金隄之固南接陳杞陽夏之墟左通曹濟之郊右達魏梁之都

郡名

唐虞三代疆域分而九州定其時未有郡名秦初天下置三十六郡是郡統乎州也漢為十三部是州統乎郡也唐為十道統乎州與郡而為言也自宋以來州縣之名言今則近而不文稽古則典而有要至於稱述舊建皆為之郡者亦沿革紀載

秦臺見地理志山川內東昏見地理志古蹟內豹陵見地理志山川內

八景

秦臺煙柳 馬蹄漁唱 白雲樵歌 韓陵曉月

黃河舊蹟 東昏廢城 留侯遺塚 陳平古廟

山川

奧考輿圖所載五岳五鎮而外四海四瀆以至郡縣山川皆紀而不遺明乎山川之祀其典重矣書曰柴望秩於山川詩曰懷柔百神及河喬嶽禮曰諸侯祭名山大川之在其地者祀典歷代不易今南壇春秋之祭祀史無闕以見境內山川與風雲雷雨同尊也紀之者表一邑之鎮云爾作山川志 琴江王旦志

蘭陽縣志 卷一 地理

五

河南建華印刷所承印

白雲山在縣西十二里高十四丈周圍四里十山無石每旦白雲出故名相傳留侯辟穀處遺塚存焉屢經河水衝淤山勢漸平矣

馬村岡今縣治宋養馬城

張成岡留侯張良舊里

杜黎岡縣東南十里

青岡縣北二里

丁岡縣西北八里即蔡家樓

梓岡縣南十里

楊岡縣北二十里即斷堤頭李家寨

白茂岡即東岡頭縣東八里

韓陵在縣東北七里

豹陵在縣西十二里

皇覽云蘭陽城西有土山名豹陵考蘭陽本東明六鄉之首金完顏氏析置也其名已久貞明中始置縣耳

秦臺 在東昏故城舊多植柳秦皇東遊至此昏霧四塞築臺以壓之

黃風洞 在縣西十二里白雲山下一名張良洞從赤松子遊辟穀於此後人遂名

黃河 在縣北十五里

江淮河濟謂之四瀆瀆之為言獨也言獨入於海也河瀆自龍門以至洛汭秦漢前由大伾碣石北入於海今則由開歸徐淮赴海而東矣場之患惟開封歸德為甚自賈讓三策後又有疏濬塞之議疏欲分其流濬欲導其勢今觀三門七律之下一灣拙灣灣皆拙治河當從第一灣始亦行所無事之道耳

馬蹄河 在縣北五十里

舊名清河秦皇東遊飲馬因蹄陷水中秦皇言此馬蹄河也水本黃河支流發源黑陽山舊金龍口東流至金雞頭復入黃河

流渠 在縣治東南八里地多流渠每遇歲澇邑城週遭之水繇此達於巴河

河渠 在縣治西北十里其地最下渠通巴河

淘北河 在縣北四十里

風俗

禮曰國奢示之以儉國儉示之以禮禮者奢儉適中之謂但東西之風不

蘭陽縣志 卷一地理

六 河南建華印刷所承印

同南北之俗各異執一論之固矣習久成俗勢極則變道之所必狀也蘭邑濱河之區率以耕種為業豐年多奢荒年多儉當於衆寡疾舒之道加之意焉可耳

人稟中和之氣 周禮註豫州豫之為言舒也言人稟中和之氣性理安舒也

俊髦儒雅 漢地理志梁魏之墟人多俊髦好儒雅 俗右武 劉禹錫泮州廳壁記 重禮義

勤耕紉 宋志 風物繁侈 經 俗尊年齒 學崇經術 寰宇記 習俗淳厚 元志

古蹟

陵谷滄桑古今興嘆是一從康之命中戒於盤庚而黍離之詩三咏於國風良有以也城郭半是人民已非改邑不改井空名猶存志之以備稽考

念雙李氏志

東昏城 舊城在縣治東北周九里二十步高二丈五尺元至正十七年為河所圯

昔秦始皇東遊至此昏霧四塞不能進故名其地曰東昏漢初置縣仍之

順治甲午歲河決金龍口縣北河乾樊家寨南東昏舊城現出止餘基址約二十里舊縣志云至東昏城二十五里誤

戶牖鄉 卽東昏城

蘭陽鄉 卽漢東昏縣宋東明縣

開封府宋門外繁臺寺幡竿夾石刻云大宋開封府東明縣蘭陽鄉社頭某等施則蘭陽之名宋已有之父老相傳云蘭香草北方稀少此地繁滋芬芳襲人當時以為瑞遂以名鄉但不知始於何時耳 丘氏舊志李氏辨異曰宋眞宗大中祥符元年東封泰山楊侃皇畿賦云若乃南瞻潘里北指蘭岡樹新文於二碑易美號於兩鄉因東封之行幸感瑞應於一方今邑西南有潘岡舖乃宋潘美宅也東明雖坐潘岡東北實襲東昏下地狀相近則有楊岡焉無乃非其鄉歟產蘭易號諒其爲此時也

東明鎮 卽東昏縣

秦臺 見山川志

韓陵城 在縣東北五里

宋養馬園原有城池元至十七年遷縣於此洪武元年因地狹始遷今縣治正德五年黃河水淤耳

流渠城 縣東南八里宋養馬處原有城池弘治四年黃河水淤平

蘭陽縣志

卷一地理

七

河南建華印刷所承印

銅牙城 縣治西北二十五里名瓦廟文選註天子出建大牙古有牙旗牙門牙城今牙城之制疑出諸此

封人請見處 在縣東門內今有振鐸碑

按孔子五至於衛由陳由宋道經於蘭屢矣封人請見原非一二可竟也相傳蘭之儀城有請見處車轍數過信或有之

留侯辟穀處 在縣西南白雲山下黃風洞

儀城 在縣西北二十里今稱草廟卽儀封人請見處昔縣北有儀封鄉見一統志

石碑 在河北石碑鄉

元有蓋大夫蘭陽人中順大夫塋地舊有百十畝大夫名字失傳墓前止有石碑至今鄉名石碑

陵墓

按帝王曰陵寢臣庶曰墓古之葬者豐碑以窆用大木擊鼓聲以節之秦漢後有功業者碑記以志不忘後之視今得無有竇牛山之淚者遺笑千古九原可作其誰與歸

韓陵 在韓陵西高六七丈圍近百丈上有寺名瞻月臺相傳韓王成陵或云宋韓王趙普